

ԱՐՏԱՇԵՍ ԱՐԵՂՅԱՆԻ ՈՒՇԱԳՐԱՎ ՀՈՂՎԱԾԸ

Ճշմարտությունը մի դործրնթաց է, որն իր զարգացման ընթացքում մի շարք հաջորդական աստիճաններ է անցնում, որոնցից յուրաքանչյուրի վրա հասնողի նոր բովանդակություն է ձևափոխում, չորսընչով պատասխանորեն ավանդական ձևը Այդպիսի ճշմարտություն է ազատ, անկախ և միացյալ Հայաստանի դադարափոխումը:

1919 թ. Դաշնակցություն կուսակցության կողմից պաշտոնապես որոշված այդ դադարափոխումը դարձավ կուսակցության ազգային կոնցեպցիայի առանցքը: Սակայն դադարափոխումը բովանդակությունը զարդանում է ժամանակի ընթացքում՝ կախված կոնկրետ քաղաքական իրադրությունից, ինչը հաստատում է Դաշնակցություն կուսակցության ճկունությունը, դինամիկությունը և կենսունակությունը:

Այդ զարգացման փուլերից մեկն է ասորիում Արտաշես Արեղյանի հողվածը: Հեղինակը հետադարձ իսկական հայ մտավորական էր, հայանի դիտնական և Դաշնակցություն կուսակցության դադարափոխումներից մեկը: Հողվածը ապադրվել է 1927 թ.՝ Դաշնակցություն կուսակցության Բոստոնում հրատարակվող «Հայրենիք» հանդեսի 10—11-րդ համարներում:

Կարելի է համաձայնվել հեղինակի դադարափոխումների հետ կամ ժխտել նրա մաքրությունը, փաստարկել հեղինակի դրույթներից մի մասի հնացած լինելը, որը հետևանք է 1920-ական թվականների իրույթների: Սակայն անալիզը րենցողոր չի կարող չնշել քաղաքական մաքրության խիզախությունն ու ազդանդը, ստեղծագործական, ոչ զոգմատիկ մոտեցումը, արտաքին ողջամատությունը, նրբին ներդաշնակությունն ու հոսանքությունը, ապշեցնող կանխազուկությունները, որոնք իրականանում են այսօր և, վերջապես, ամբողջական տրամաբանական ազգային կոնցեպցիայի գոյությունը, որի կարիքը մենք հիմա այնքան ունենք:

Գոյություն ունի մի հին կանոն, որ ամեն նորը լավ մոտեցված հինն է: Բայց որից ենք մոռանալու հասարակական հերթի պեսա է որից ենք բան իմանալ: Հետևելով հանրապետության ժամանակակից խորհրդարանում Հայաստանի ապադայի մասին բանավեճերին, սկսում են հասկանալ, թե մեզի ինչպիսի բեռ է ծանրանում նախկին տոտալիտար կարգի վրա, որը հատուկ զբաղակցություն է կողմիցի տակ էր ազանում հայ հասարակական-քաղաքական մաքրի մոտանգությունը:

Այսօր հայրենական հասարակական-քաղաքական մաքրի տարրական շիմացությունը լուրջ խոչընդոտ է աղդային կոնցեպցիա մշակելու գործում: Միայն հայ հասարակական-քաղաքական մաքրի հարուստ ժողովրդությունն օգտագործելով կարելի է այդ ձեռնարկում հասնել հաջողության: Անկեղծ հույս ունեմ, որ այս հողվածի հրապարակումը կօղնի զնահատելու և ընդունելու ավյալ փաստը:

Նորափակելով ավելացնեմ, որ հողվածը հրապարակելիս ամաղրի խմբագրության համաձայնությունը են վճռականապես հրաժարվեցի գրիտական պահակախմբից՝ ռուզդող և ճհարդարող ծանոթագրումներից: Հայ մտավորական Արտաշես Արեղյանի մաքրը, ինչպես ցանկացած այլ հեղինակի մաքրը, որոնք արտահայտում են կառուցիկ և ամբողջական մտայնություն. դրա կարիքը չեն դադարում:

Ռ. Լ. ԽՈՒՐՇՈՒԴՅԱՆ

ԱԶԱՏ, ԱՆԿԱՆ ԵՎ ՄԻԱՅՑԱԼ ՀԱՅԱՍՏԱՆ

(ազգային քաղաքականության խնդիրներ)

Արաթես Արեղյան

I

Յուրաքանչյուր մի ազգ, որ ձեռք է բերել որոշ հասանելություն և ձգտում է քաղաքական ուրույն սլանքի սեփական հայրենիքում, պարտավոր է հրա-

տակորեն ձևակերպել իր ազգային իդեալը, ինչպես նաև՝ մշակել նրան հետապնդելու բոլոր հնարավոր և նպատակահարմար միջոցները: Ուրիշ խոսքով՝ ինքնուրույն կյանքով ապրել ուզող ամեն մի ժողովուրդ պետք է ունենա իր ազգային ֆալաֆականությունը:

Անհրաժեշտ է պարզել ուրեմն այն հիմնական խնդիրը, թե՞ ո՞րն է մեր ազգային քաղաքականության առարկան (object) և որը՝ նրա ենթական (subject): Այսինքն՝ ինչն է կազմում մեր ազգային-քաղաքական ձգտումների կենտ-նպատակը, այն, որ հանուր է ազգի ամբողջությանը, ո՞րն է մեր գոյության խարխուլը, այն նյութական պատվանդանը, որի վրա պիտի կառուցվի ու բարգավաճի նա: Եվ հետո, ո՞րն է այն ուժը, նյութական և բարոյական կարողությանց ամբողջությունը, որ ի վիճակի է առհասարակ հետապնդելու և ի վերջո նաև իրագործելու առաջադրված նպատակը: Որո՞նք են, միևնույն ժամանակ, այն օժանդակ ազդակները, որ ի սպաս դրվել կարող են ազգային քաղաքականության պատվանդանի կառուցման և ամրացման գործին:

Հարկավ, այս խնդրի պատասխանը չէ կարող լինել մեկ և միատեսակ, այլ կախումն ունի նրան քննության առարկա դարձնող անհատի և խմբակցության քաղաքական ու ընկերային դավանանքից, նրա որոնքորած ազգային իդեալից և վերջինիս ի սպաս դրվող գործերու կերպից: Եվ որչափ բիշ են մի ազգի՝ զանազան հատվածների ու խմբակցությունների մեջ եղած տարբերությունները գեթ ազգային իդեալի շուրջը, որչափ հավաք և համախումբ նրա նյութական ու բարոյական կարողությունները, այնչափ էլ ավելի դյուրին՝ դեպի այդ իդեալը տանող ճամփան: Պայմանով սակայն, որ առաջադրվող իդեալը առհասարակ բարձր չլինի ազգի բովանդակ ուժերի հասողությունից և տարողությունից:

Որչափ և ըստ երևույթին պարզ է առաջադրված խնդիրը, այնուամենայնիվ, նա այսօր էլ շարունակում է հայ իրականության համար մնալ հիմնական: Եվ հասկանալի է՝ ինչու: Մոռնալու չէ, որ հազիվ 35—40 տարի է անցել այն օրից, երբ հայ ժողովրդի առջև ձևակերպված դրվեց նրա քաղաքական վերածնության մեծագույն խնդիրը, նրա ազգային իդեալը: Թեև ոգորումներով ու փորձերով քավականաչափ հարուստ, բայց տակալին մեկ սերունդ է ապրել ու պայքարել այդ իդեալի համար: Իսկ ինչ է այդ ժամանակամիջոցը՝ առաջադրված մեծ նպատակի ճամփուն վրա: Շատ կարճ տեղողություն:

Մոռնալու չէ, որ հայությունը—թեև քաղաքական ու մշակութային անցյալով հարուստ—ընդամենը մեկ դար առաջ ավելի ինչ չէր, քան եկեղեցական մի համայնք, այն ևս՝ քաժան-բաժան, ցիրուցան: Մեր սերունդը երբ երեխա էր, «Հայաստան», «ազգասեր» բառերը սակավաթիվ ընտրյալների բերնում միայն հնչում էին որպես սրբազան պատգամներ, այլապես նրանք համանիշ էին քաղաքական բանդագուշանքի, վերջինիս ետևից վազող երազատեսներին:

Ավելին դեռ, Հայաստանով հետաքրքրվողներից, «ազգասեր»ների խումբակներից՝ որպես վտանգավոր տարրերից՝ փարսախներով հեռու էին փախչում անգամ շատ շատերը նրանցից, որոնք այսօր իրենց մենաշնորհն են համարում խոսիլ ազգի և հայրենիքի անունից: Տեսեք, ուրեմն որչափ գերմարդկային ուժեր են սպառվել ազգային իդեալը ժողովրդականացնելու համար, և թե որչափ կենսունակ է այն, իդեալը ինքը, որ բաղդատաբար կարճ միջոցում սկզբունքային վճռական հաղթանակ է տարել անթիվ և բազմապիսի հակառակորդների վրա:

Եվ եթե քննելու ընկնեք մեր ազգային իդեալի ապրած տազնապները, նրա տարած հաղթանակների քով վերհիշեք նաև կրած պարտությունները, վերջիններիս հիմնական պատճառը պիտի գտնենք, արտաքին ազդակների կից և նրանց համազոր, մեր ներքին նախաձեռն անսահման թուլությունը:

Հայ ազգային իդեալի առաջամարտիկները ստիպւած են եղել անսպառ եռանդ թափել որչափ արտաքին թշնամիներին, այնչափ և ներքին հակառակորդներին հաղթահարելու համար, պայքարելով միաժամանակ երկու հզոր ճակատների վրա, այն ևս նորակազմ ու տակավին թույլ ուժերով: Դրա համար է, որ այսօր էլ տեսականորեն բնավ անտեղի չէ այն հարցը թե՛ Հայ Դատի գործոն առաջադրութիւնը կամ Հայ Հեղափոխութիւնը ժամանակից վա՞ղ ծագեցավ, թե՞ ուշ:

Տեսականորեն դատելով՝ հարկւմ վաղ, հայության տակավին անպատրաստ վիճակում: Երեւակայեցեք, եթե այն անսպառ եռանդը, այն անհաշիվ նյութական ու բարոյական կարողութիւնները, որ ծախվեցան մեր ներքին ճակատը հարգարելու համար, հայի քաղաքական գիտակցութիւնը բարձրացնելու նպատակով, ի սպաս դրված լինեին արտաքին ճակատի վրա: Որչափ տարբեր պիտի լիներ արդյունքը:

II

Առաջադրած հարցին՝ ո՞րն է մեր ազգային քաղաքականութեան առաւելան, անմիջապէս տանք պատասխան:

Դա մեկ է, եղակի, և նրա անունն է՝ Հայաստան:

Թերևս այսօր դա համարվի ոմանց կողմից այնչափ պարզ, այնչափ հասկանալի, որ անգամ ավելորդ սեսիվի նրա առաջադրութիւնը: Եվ սակայն, թողնելով իսկ մեկ կողմը ավելի հեռուն, հիշենք վերջին տարիների անցյալը: Արդյո՞ք հայութեան համաքականութեան, նրա բոլոր տարրերի ու խմբակցութիւնների համար անխտիր ու հավասար չափով վճռված խնդիր էր. թե այո՞, Հայաստանն է մեր ազգային քաղաքականութեան միակ առարկան, մեր ձգտումների կետ-նպատակը, որից դուրս չկա և ոչինչ, որ ընդունելի լիներ մեզ համար. միակ անփոխարինելի անոթը հայ ազգային իդեալի:

Իհարկե կար: Եվ դեռ չգիտեմ, թե ներկայիս արդյոք որոշ շրջանակնեւ, վերջնապէս հրաժարելու են քաղաքական այն հեռանկարից, համաձայն որի Հայաստանին կից և կամ նրանից դուրս Կիլիկիայում կամ ալլուր որոնելու և տեղափոխելու է այդ անոթը: Ավելին դեռ:

Ես չեմ համոզւած, թե անգամ Հ. Հ. Դաշնակցութեան շարքերում կատարելապէս արմատախիլ եղած է նման մի մտայնութիւն, լինի նա տեղավորւած թեկուզ բացառիկ անհատների ուղեղում: Երբ ուրեմն դեռ երեկ էր, որ շատեր Կիլիկիան կամ Կիլիկիան ևս համարում էին հայ պետականութեան կորիզ, երբ երեկ էր, որ այժմյան Հայաստանից դուրս և նրանից բաժան «Հայկական օջախ» էին որոնում մարդիկ—այսօր վերջակե՞տ է դրված նման պատրանքների—ապա ուրեմն որչափ հաճախ կրկնվի այն քաղաքական ճշմարտութիւնը, թե Հայաստանից դուրս չկա մեզ համար ո՛չ փրկութիւն, ոչ էլ մի հատիկ կորիզ, այնչափ լավ մեր քաղաքական դաստիարակութեան համար:

Եթե այս այսպէս է, եթե այսօր մեզնում գոյութիւն չունի և ոչ մի խմբակցութիւն, որ հրապարակաւ տարբեր տեսակետ պաշտպանի, ապա ուրեմն ազգային գերագույն շահերի տեսակետից համապատասխան ձևով էլ պիտի որակվի ամեն մի փորձ հակառակ կամ տարբեր ուղղութեամբ, ամեն մի քայլ, որ Հայաստանից դուրս հայութեան համար հայրենիք կորոնի:

Խոսքը հարկաւ մեր ժողովրդի ցրվ ճատվածների ժամանակավոր հարկադրյալ բնակավայրերի ու բուլների մասին չէ, որոնք պարզ օթեանների հանգամանք միայն ունենալ կարող են: Թող այս վերջինները լինին թեկուզ շատ նպաստավոր պայմաններում դրված: Դրանք երբեք և ոչնչով չեն կարող հայրենիքը փոխարինել՝ իրենց վրա հաստատված մեր բազմութիւնների համար: Ավելի շատ՝ դրանք մեր աչքում մեր սեփական հայրենազրկութեան, մեր քաղաքական դժբախտութեան մի-մի խորհրդանշներն են, մի-մի աղաղակող վկաներ՝ մեր ազգային օրգանիզմի ջլատման փաստի:

Կարճ՝ հայ ազգային քաղաքականության առարկայի շուրջը այսօր ստեղծված է մեզանում, ավելի կամ պակաս ուժեղ, մեկ ճակատ: Թանկ, շատ սուղի է նստել մեր ժողովրդին հասարակական մտքի այդ զարգացումը, բայց վերջապես նա փաստ է այսօր, թեև տակավին տկար փաստ:

Այս իմաստով էլ պիտի մոտենալ Միացյալ Հայաստանի գաղափարին: Սերունդների նախապատրաստած է 1919 թ. մայիս 28-ին հանդիսավորապես հռչակված «Միացյալ Հայաստան» գաղափարի մեծ խորհուրդն էլ այն է, որ միանգամ ընդմիջտ վերանում է հայ ազգային իդեալի երկճյուղ, անգամ եռաճյուղ և բազմաճյուղ պատկերացումը, և նա փոխարինվում է միանգամ ընդմիջտ, միասնական, համազգային իդեալով—Միացյալ Հայաստանով: Նրկու և ավելի ճակատների փոխարեն այսպիսով ստեղծում է մեկ ճակատ, այդ փաստով իսկ վերջինս դառնում է ավելի պայուն ու զորավոր:

Եվ սակայն, երբ մենք ասում ենք Միացյալ Հայաստան, երբ մենք այդ դարձնում ենք մեր ազգային քաղաքականության գերագույն առարկան, այդ չէ նշանակում տակավին, թե մենք նրա իրականացումն էլ համարում ենք օրվան, ընթացիկ քաղաքականության խնդիր: Այսպես դատել նշանակում է հաշվի չառնել ժամանակի և տարածության ազդակները, որոնց ճշգրիտ ըմբռնությունը հիմն է ամեն մի իրապաշտ քաղաքականության:

Մոռանալու չէ երբեք, որ երբ 1919-ին հրապարակ հանվեց Միացյալ Հայաստանի պահանջը, մենք առարկայորեն գտնվում էինք մեր այդ իդեալի իրականացման նախօրեին: Ազգային և միջազգային բոլոր ազդակները այն ժամանակ վճռապես խոսում էին նրա օգտին:

Այնուհետև փոխվեցան նույն այդ ազդակները: Բնականաբար պիտի փոխվեին և փոխվեցան էլ մեր ըմբռնողությունը Միացյալ Հայաստանի սահմանների, ինչպես նաև նրա իրականացումը հետապնդող միջոցների և տեղեկությունների մասին:

Միացյալ Հայաստան գաղափարի էությունը դրանով չվերացավ հարկավ, ոչ էլ աղճատվեց, այլ հարմարվեց փոխված պայմաններին, որոնք մեր կամքից դուրս են, որոնց, սակայն, հաշվի առնել չէ կարող նույն այդ կամքը: Միացյալ Հայաստանի ամբողջացման գաղափարը վաղը կարող է գոհանալ Գովկասյան Հայաստանի համալսարանի գաղափարի վերստացումով, նա կարող է հետագային հետապնդել Արևմտյան Հայաստանի թեկուղ մեկ-երկու գավառի ազատագրումը և դարձյալ գոհանալ ու ամբողջացված սեպվիլ, բոլոր պարագաներում այդ ամենը տեղի ունենալ կարող է արդի Հայաստանի ընդարձակումով:

Ուրիշ խոսքով՝ Միացյալ Հայաստանի գաղափարը միայն և միայն ժամանակակից Հայաստանի սահմանների ընդարձակման խնդիր է—այն ուղղությամբ և այն չափով, որ օգտաշահ է և անհրաժեշտ, հայության ցրիվ խոշոր հատվածները համախմբելու հարևանի հողերի վրա:

Ահա նաև այդ տեսակետից Միացյալ Հայաստանի գաղափարը հակադրվում է քաղաքական այն ըմբռնողության, լինի նա համայնավարների, թե այլոց կողմից պաշտպանված, համաձայն որի՝ ախն պատրանք է Միացյալ Հայաստանը ինքնին, թե՛ Հայկական հարցը լուծված է արմատից և առհավետ, և թե միանգամ ընդմիջտ գծված են Հայաստանի սահմանները, նրանցից դուրս ավելի կամ ուրիշ պահանջ չունի հայ ժողովուրդը:

III

Ինքնին առանձին հարց է, իհարկե, թե Միացյալ Հայաստանի—ավելի լայն կամ անձուկ սահմաններով—իրականացումը կարճ թե երկար տևողության խնդիր է, ապրո՞ղ թե ապագա սերունդներին է վերապահված նա:

Այդ հարցի այս կամ այն պատասխանը կախում ունի միջազգային ուժերի դասավորություններից, բայց որ գլխավորն է՝ մեր սեփական ուժերի՝ հավաքումից և զորացումից:

Վերջին 10—12 տարիների ընթացքում մենք այնքան թուլացանք ֆիզիկապես, այնչափ նոսրացավ մեր համրանքը, այն աստիճան սեղմվեցավ ազդարարական Հայաստանը—իսկ դրանք են ամեն մի ազգային քաղաքականության առաջ մղիչ գերազանց ազդակները—որ անկարող ենք հաշվի չառնել այդ ամենը և ըստ այնմ էլ չափել ու ձևել մեր քաղաքական վարքագիծը՝ առաջիկա ժամանակաշրջանի համար:

Իրականության առջև աչք չգոցելը, որչափ և դառն լինի նա, քաղաքական գործիչի և կազմակերպության է՛ն առաջին պարտականությունն է: Իսկ այդ իրականությունը ասում է, առանց հուսաբեկ ու թևաթափ անելու մեզ, թե՛ հայ ազգի մեծագույն դահիճները ըստ էության անսխալ էին գծել իրենց նշանակետը՝ հայ ժողովուրդի մի հատվածի անջատումով նրա Դատի իրականացումն էլ երկարաձգել հիսուն տարով: Երկարաձգել, բայց ոչ թաղել, որ վեր է մեր ցեղի բոլոր դահիճների համար իսկ՝ միասին առած:

Շարունակենք: Այսպիսով՝ Միացյալ Հայաստանի ելակետը Անդրկովկասում գործելու է: Ներկա Հայաստանից թեև դուրս, բայց նրան անմիջապես կից գտնվող և ազգագրորեն ու աշխարհագրա-տնտեսորեն—ուստի և իրականորեն—ոչ նվազ հայկական բռնագրաված շրջանների վերստին կցումը մեր երկրին՝ դիտելու է որպես առաջին հանգրվանը Միացյալ Հայաստանի աստիճանական իրականացման: Ապա թե կարող է հետևել քեմալական Տաճկաստանի կողմից գրավված անդրկովկասյան գավառների, իսկ վերջին միայն Արևմտյան Հայաստանի այս կամ այն—երկու պայմաններում էլ հայաթափուր—եղերամատի կցումը:

Կրկնում ենք: Երբ առաջադրվում է քաղաքական այս ծրագիրը, այդ դեռ չէ նշանակում, թե նրա իրագործումը համարվում է կարճ ժամանակվա խրնդիր: Բնավ երբեք: Մենք չէ, որ այսչափ փորձերից և փորձառություններից հետո իսկ, մեր ոտքի տակից պիտի սահեցնենք իրական հողը ու ցնորքների ստեղծվածքներ:

Ավելին. այս չէ նշանակում, թե անգամ եթե վաղը փոխվի քաղաքական դրությունը մեր հայրենիքում և Հ. Հ. Դաշնակցությունը նորեն իշխանության գլուխ անցնի, նա բոլոր պայմաններում պիտի հետապնդի անհապաղ կամ շուտափույթ իրականացումը Միացյալ Հայաստանի:

Այսպես դատել, կը նշանակե հրաժարիլ, մի կողմից, քաղաքական շիտակ ուղեգծից և ամբոխավարությունը շփոթել քաղաքականության հետ, մյուս կողմից էլ՝ չունենալ սեփական ուժերի գիտակցությունը:

Եվ, եթե մենք քննադատում ենք հայ բողոքիչների և նրանց կուրորեն հետևող հայ քաղքենի տարրերի քաղաքականությունը՝ այդ անում ենք ոչ թե նրա համար, որ նրանք այսօր, տվյալ պայմաններում գոհացում չեն տալիս և կամ չեն կարողանում գոհացում տալ հայ ժողովրդի հողային արշար պահանջներին, այլ նրա համար, որ նրանք առհասարակ ուրանում են նման պահանջի գոյությունն անգամ, ժխտում են Հայաստանի սահմանների ընդարձակման անհրաժեշտությունը, բուռն պայքար են մղում Միացյալ Հայաստանի գաղափարի դեմ իսկ, հռչակելով այն որպես աշխարհակալական և արկածախնդրական:

Ուրիշ խոսքով՝ մեր և մեր հակառակորդների էական տարբերությունը սկզբունքային է, մեր ներհակությունը հետապնդած իդեալի և իդեալների շուրջն է: Մեր և, —որ նույնն է—սեփական հայրենիքի ամբողջացումը իրեն փոխադրած հայ ժողովուրդի—իդեալն է, որ ուրացվում է և արհամարհվում: Եվ քանի կա, շարունակվում է այս մտայնության անխնայ գոյություն ունեցող վիճը, անկարելի է նաև կամրջել նրանց:

IV

Ցնորք է, պատրանք է ամբողջական Հայաստանի գաղափարը:

Մենք ոչինչ չունինք բոլոր նրանց դեմ, որոնք և անկեղծորեն և սեփական դատողությամբ հասած են նման եզրակացության: Բայց այդպիսիներից

պահանջելու իրավունքը ունինք մենք, որ նրանք շուրանա՞ն այն փաստը, թե այդ գաղափարը խորապես յուրացրել է հայ ժողովուրդը և համառորեն հետապնդում է նրա իրականացումը:

Եվ ո՞վ է, ո՞ր ազգն է, որ այսօր չէ ձգտում իր հատվածների և իր հողերի հավաքման ու ամբողջացման: Եվ մի՞թե քիչ են նրանք, որ արդեն իսկ իրականացրել են այդ իդեալը:

Շատ չէ, ընդամենը 10—15 տարի առաջ բուրժուական աշխարհակալություն, արկածախնդրություն, հետամնացություն և ազգայնականություն էր որակվում Եվրոպայի շատ ընկերավարականների—էլ չեմ ասում ավելի արմատական տարրերի—կողմից աղափարական ամեն մի ծրագրի: Եվ նրանց հետևելով էլ՝ մեր տնտեսության մարքսիստները—բոլշևիկ թե մենշևիկ, միլենույն է, բայց նաև՝ ոչ մարքսիստ էսէրներ և ուրիշներ դեռ քսան տարի առաջ «պանարմենիզմ» որակելով խարանդում էին հայության և հայ հայրենիքի հավաքման ու ամբողջացման բոլոր փորձերը, որ այն ժամանակ Հ. Հ. Դաշնակցության ղեկավարության տակ իրենց գրեթե սկզբնավորության մեջ էին գտնվում: Նրանք հետադեմ, բուրժուական, աշխարհակալական էին անվանում մեր ժողովրդական խավերի ազգային ամենաառողջ ձգտումը՝ հավաքվելու և ամփոփվելու սեփական հարկի տակ, միացյալ ուժերով նվիրվելու հայրենիքի զարգացման մեծ գործին:

Դեռ այսօր էլ պատկերը հիմնովին չէ փոխվել, թեև, այնուամենայնիվ, ազգային առողջ մտքի ազդեցությունը ակներև է անգամ բոլոր նրանց վրա, որ դեռ երեկ ժխտում էին այն՝ իր հիմքում իսկ: Անգամ նրանց քաղաքական և ընկերային բառարանի մի շարք արտահայտություններ փոխ առնված են երեկի և այսօրվան հակառակորդներից, թեև ինքնաբերական, հարազատ չեն և այդ իսկ պատճառով նրանց բերնում հնչում են որպես մուրացած:

Իսկ այսօր: Հետևեցեք Եվրոպայի մարքսիստների ազգային քաղաքականության, այսինքն՝ բոլոր նրանց, որոնք երեկ ի լուր աշխարհի մեկ բերան գոռում էին—«պրոլետարը հայրենիք չունի»:

Թողնենք մյուսներին մի կողմը, առնենք մարքսիզմի դասական հայրենիքը՝ Գերմանիան:

Առանց չափազանցության կարելի է պնդել, թե սարեր ու ձորեր են առաջացել այս երկրի սոցիալ-դեմոկրատիայի և նրա ղեկավարների մտայնության մեջ՝ ինչպես մի շարք ուրիշ, նույնպես նաև ազգային քաղաքականության խնդրում: Նրանք այսօր ոչ միայն հնացած են համարում և միանգամայն ժխտելի՝ «պրոլետարը հայրենիք չունի» նշանախոսքը, այլ հայրենիքը և ազգային բարիքները համարում են նախ և առաջ նրա, պրոլետարիատի, և առհասարակ աշխատավոր զանգվածների սեփականություն:

Ավելին դեռ: Այսօր Գերմանիայում և գերման Ավստրիայում գոյություն չունի և ոչ մի ուրիշ կուսակցություն, որ այնպես մեծ թափով ու հետևողականությամբ հետապնդելիս լինի գերման հողերի և հատվածների ամբողջացումը, ինչպես այս երկրի սոցիալ-դեմոկրատիան: Ոչ պակաս չափով նաև ավստրիական քուլտ կուսակցությունը: Ես չեմ մոռացել այդ ուղղությամբ արտասանված այն խորը հայրենասիրական ճառերը, որ տարիներ առաջ ընտրական մի պայքարի միջոցին լսեցի այստեղ, Բեռլինում, Ավստրիոյ սոցիալ-դեմոկրատիայի անվանի պարագլուխ Օտտո Բաուերի և «Ֆորվերտս»-ի խմբագիր Ֆրիդրիխ Շտամաֆերի քերական:

Մի ուրիշ օրինակ: Երկու-երեք տարի առաջ հիմնված գերման-ավստրիական ժողովրդային միության մասնակի նպատակն է՝ հետապնդել այդ երկու գերման երկրների միացումը, ավելի շուտ՝ Ավստրիոյ կցումը Գերմանիային: Իսկ այս միության հիմնադիր-ղեկավարների առաջին շարքերում է գտնվում ոչ այլ ոք, քան ռայխստագի նախագահ և գերման սոցիալ-դեմոկրատիայի պարագլուխ Պաուլ Լեոբեն: Նրա գործակիցներն էլ մի խոշոր չափով ընկերավարականներ են: Եվ նրանք բոլորը ամեն պատեհ առիթով բա-

նավոր ու գրավոր պրոպագանդ են մղում այդ գաղափարի շուրջը: Եվ այս՝ պարտաված Գերմանիայում և Ավստրիայում, Վերսալի դաշնագրից հետո:

Կարճ, «Միացյալ Գերմանիայի» դրոշակակիրները այսօր գերազանցորեն մարքսիստներ և ընկերվարականներ են: Նրանք հարկադրված են հաճախ մինչև իսկ պայքար մղել, այդ գաղափարի համար, ընդդեմ քաղքենի տարրերի: Ուրիշ խոսքով, ինչ որ ըստ էության տարիներ առաջ հետապնդում էին համադեմոկրատականները, այսօր յուրացրել են ընկեթվարականները, միայն թե «համադեմոկրատականություն» նշանախոսքը փոխարինել են «Մեծ Գերմանիա» (Crossdeutsch land) ավելի առողջ և իրական նշանախոսքով:

Մեծ կամ Միացյալ Գերմանիան է, որ ըստ գերման ընկերվարականների, իր մեջ պիտի առնի ոչ միայն Ավստրիան, այլև Գերմանիայից զատված մի քանի ուրիշ զավառներ ևս, հատկապես արևելյան սահմանների վրա:

Դավաճանել են գերման և ավստրիական ընկերվարականները, որոնք գրեթե ազգային նոր, առողջ քաղաքականություն, թե՛ այժմ են կեցել ուղիղ ճամփու վրա, հարմարվելով իրականության, ինչպես և գաղափարների աշխարհում կատարվող հզոր բնաշրջման (էվոլյուցիա) օրենքին: Իհարկե, վերջինս է ճշմարիտը: Եվ այսպես վարվելով, նրանք ոտք են դրել իրապաշտ քաղաքականության գետնի վրա:

Խնչ, խոսք, նրանք չեն պնդում, թե վաղը կամ մյուս օրը իրականանա պիտի Միացյալ Գերմանիան: Ոչ էլ դրա համաք սուսեր են ճոճում օդի մեջ, ռազմի ծրագիրներ որոճում: Բնավ: Ո՞ր կուսակցությունն է ավելի հաշտարար ու խաղաղասեր, քան ընկերվարականները ընդհանրապես և գերմանականը՝ մասնավորապես:

Բայց չէ՞ որ իրապաշտ քաղաքականությունը սուր ու սուսերից դուրս և հաճախ նրանից է՛լ ավելի հատուկ ուրիշ զենքեր ունի իր ձեռքին: Միայն թե ազգային քաղաքականության իդեալն է, ազգի և հայրենիքի ամբողջացումը, որ չէ ուրացվում և լքվում, այլ կարող ձեռքերի մեջ առնվում ու պաշտպանվում:

Ուրիշ բան չէ հետապնդում նաև Հ. Հ. Դաշնակցության որդեգրած ազգ. քաղաքականության «Միացյալ Հայաստանի» գաղափարը:

V

Սեփական հայրենիքի ամբողջացումը, պատմականորեն անջատ ցեղային հատվածների համախմբումը և միացումը—դա մեր օրերի կարգախոսն է գիտակցության եկած բոլոր ազգությունների, մեծ թե փոքր: Ազգային լինելով մեկտեղ, նա գերազանցորեն աշխատավորական է և համամարդկային: Եվ ոչ միայն Գերմանիայում, այլև Խվրոպական բոլոր երկրներում պարզորոշ նկատելի է այդ հակումը: Նրանց օրինակին են հետևում այսօր ասիական ժողովուրդները, հաճախ նրանցից իսկ փոխ առած զենքերով պայքարելով իրենց դեմ:

Մեկ կամ երկու սերունդի գործ չէ, հարկավ, հայրենիքի և ազգության կատարյալ ամբողջացումը: Վերջինս դժվարանում է մանավանդ այն ազգությունների համար, որոնք նոսր են համընթացում, թույլ՝ ներքին կազմակերպություն, տկար՝ քաղաքական վերածնության պահանջով, որպես հետևանք դարավոր ստրկական կյանքի: Վերջինների շարքին ենք պատկանում նաև մենք՝ հայերս: Դրանից է նաև ահռելիությունը մեր քաղաքական երկունքի:

Եվ սակայն ազգային վերածնունդի ճամփան վարդերով ծածկված չէ եղել շատ ավելի նպաստավոր պայմաններում ապրած ժողովուրդների համար ևս: Մի ամբողջ դար տեհց, մինչև որ իրականացավ, օրինակի համար, Իսկանդյան ժողովուրդներից ոմանց հողային և ցեղային ամբողջացումը: Մի հարցըրա՞յն կենտրոնացել է հողի վրա, մինչև որ զուլա եկան «Միացյալ Ռուսաստան», «Միացյալ Սերբիան»: «Միացյալ Հունաստանը» կես ճամփու վրա մնաց, «Միացյալ Բուլղարիան» իր հուսերի իրականացման նախօրեին փետրա-

թափ եղավ: Եվ սակայն այդ ասել չէ, թե դրանք հուսարեկվեցան, լքեցին իրենց ազգային իդեալը: Բնավ:

Նայեցեք ռալկանյան պետությունների պատմական աշխարհագրության քարտեզին: Ավելի հին շրջանները թողեք մի կողմը, վերցրեք վերջին 15—20 տարիները, ի միտ առեք ռալկանյան պատերազմներից ասդին կատարված քաղաքական փոփոխությունները:

Փոքրիկ Սեբբիան, կտրված ծովերից և աշխարհից, 15—20 տարի սրանից առաջ ուներ ընդամենը 48 հազար քառ. կմ տարածություն և 2 1/2 միլիոն բնակիչ: Ասել է՝ Սեբբիան, գրեթե մեկ դար անկախ գոյություն ունենալով հանդերձ, իր հայրենի հողերի և իր հարազատ ժողովրդի ոչ ավելի 1/5 էր պարփակում իր սահմանների մեջ: Տարածությամբ էլ նա հագել է 1 1/2 անգամ, իսկ բնակիչների թվով 2 1/2—3 անգամ ավելի մեծ էր, քան այսօրվան Հայաստանը: Իսկ ներկայիս Հարավ-Սլավիան, որ է «Միացյալ Սեբբիան», ունի 220 հազար քառ. կմ տարածություն և 13 միլիոն բնակիչ: Ասել է՝ և բնակչությամբ, և տարածությամբ նա 5 անգամ ավելի մեծ է, քան նախապատերազմյան Սեբբիան:

Վերցնեք ուրիշ օրինակ—Ռումանիան: Բալկանյան պատերազմներից առաջ նա ուներ 131,000 քառ. կմ տարածություն և 6 1/2 միլիոն բնակիչ: Իսկ «Միացյալ Ռումանիան» այսօր կրկնապատիկ մեծ է ու բազմամարդ, ունի 260 հազար քառ. կմ տարածություն և 13—15 միլիոն բնակիչ:

Հունաստանը ռալկանյան պատերազմներից առաջ ուներ 64 հազար քառ. կմ. տարածություն և ընդամենը 2 1/2 միլ. բնակիչ, իսկ այսօր, անգամ իր մեծ հուսախաբություններից հետո, բնակիչների թվով ավելի քան կրկնապատկվել, տարածությամբ էլ զգալիորեն մեծացել է:

Եվ այսպես մի շարք ուրիշ պետություններ ևս:

Հիշե՛լ, որ պատմական նպաստավոր դեպքերի հետևանքով քաղաքական անկախ գոյություն ստացած մեծաքաղաքային երկրներից մեկ-երկուսը ևս տարածությամբ ու բնակիչների թվով շատ հեռու չեն այսօրվան Հայաստանի համեմատությունից:

Ալբանիան և՛ մեկ— և մյուս կողմից (30 հզ. քառ. կմ և 900 հազար բնակիչ) հար և նման է մեր երկրին: Նման՝ նաև այն տեսակետից, որ նրա հողերի և ցեղակիցների կեսն ևս այսօր իրենից դուրս են, կցված դրացի պետություններին:

Ինչպես միացյալ Ալբանիան, այնպես նաև միացյալ Բուլղարիան և Հունաստանը տակավին սպասում են իրենց ապագային:

Հիշե՛լ, որ պատմական նպաստավոր դեպքերի իրենց քաղաքական ինքնուրույնության արդալուսին բնակիչների թվով, տարածությամբ և ուրիշ պարագաներով շատ և ավելի երջանիկ են եղել, ոչ էլ գուցե պակաս անգամներ հուսախաբություններ կրել քան մենք:

Ի՞նչ պիտի ասվեր այժմ, եթե 20—30 տարի առաջ հույներ, ռումաններ և սերբեր գտնված և «աշխարհակալություն», «արևածախնդրություն» որակած լինեին բոլոր այն հայրենասերների ձգտումները, որոնք ժամանակին առաջադրել և հետապնդել են այսօր արդեն իսկ իրականություն դարձած միացումը և ամբողջացումը սեփական երկրների:

Ըստ էության տարբեր չէ նաև մեր քաղաքական ուղեղի՞, որ ձգտում է դեպի Միացյալ Հայաստան: Մանր է, հարկավ, անբաղդատելիորեն ծանր՝ մեր իրականությունը հանդեպ ուրիշների, օրինակ, ռալկանյան ազգերի: Եվ սակայն ազգային իդեալի էությունը և նրա արդարացիությունը բնավ չէ փոխվում դրանով: Խոսք կարող է լինել ուրեմն միայն առաջադրված նպատակին հասնելու միջոցների մասին: Երբ ուրեմն մի անգամ ընդունեք քաղաքական այդ ճշմարտությունը, թե Հայաստանն է, և ոչ մի այլ երկրամաս, մեր ազգային (միշտ էլ՝ պետական իմաստով հասկացված) քաղաքականության առարկան, երբ մեզ հետ միասին ուրիշ հոսանքներ ևս ընդունեն, թե Միացյալ Հայաստանի մեջ միայն կարող է ամբողջացած սեպվել դա, այն

Ժամանակ էլ կարող ենք լրջորեն վիճել այն մասին թե ինչպես, ի՞նչ միջոցներով և եղանակով հետապնդելու է նրա իրականացումը:

Ամենից առաջ և կարևորագույնը ուրեմն գաղափարի հաղթանակի ապահովումն է, հուսով և հավատով նրան կառնելու անհրաժեշտությունը: Եվ թվում է, թե հայ քաղաքական մտքի ժամանակավոր տեղատվությունից հետո կարծեք թե սկսում է, այս մարզի մեջ ևս, մակընթացության շրջան: Միացյալ Հայաստանի գաղափարը, որ գերազանցորեն համազգային նշանախոսք է, ըստ երևույթին, տակավ ղերբեր գործել է սկսել, Հ. Հ. Դաշնակցությունից դուրս, ուրիշ խմբակցությունների շարքերում ևս:

Դժվարը առաջին քայլն առնելն է, հաջորդը ինքնիրեն կը հետևի:

Ավելին դեռ: Մենք տածում ենք այն հավատը, թե վաղ կամ ուշ Միացյալ Հայաստանի գաղափարը յուրացնեն պիտի անգամ բանիմաց հայ բոլշևիկները: Ոչինչ, թե նրանք այսօր փարսախսներով հեռու են փախչում դրանից: Զէ՞ որ 15—20 տարի առաջ նրանք ոչ պակաս մոլեգնոտությամբ վանում էին իրենցից «ազա», «հայրենիք», «անկախություն», «ֆեդերացիա» և նման նշանախոսքեր ևս, իսկ այսօր հոլովում են ամեն առթիվ: Ոչինչ, եթե այդ գաղափարները խաթարված, աղճատված են բոլշևիկյան բառարանում:

Բայց չէ՞ որ ժամանակը ամենակարող է և ընդունակ՝ սրբագործություններ մտցնելու անգամ բոլշևիկյան խոսքերի և գործերի մեջ:

VI

Եվ սակայն, բավական չէ ասել, թե մեր ազգային քաղաքականության առարկան է Հայաստանը՝ ամբողջացած ու միացած ձևով:

Մեր խոսքը ազգագրական Հայաստանի, հայ հայրենիքի սեփական զավակներով բնակեցնելու ծրագրի շուրջը չէ միայն: Հարկավ, դա հիմն է առհասարակ ամեն մի ազգային քաղաքականության, նրա այբուբենը, բայց ոչ ամեն ինչ:

Ինչպես որ այբուբենը սորված մանուկը չէ կարող գոհանալ իր այբբենարանով, նա հասունանալով՝ ընթերցանության գրքերի պահանջն ևս կը զգա, նույնը նաև՝ գիտակցության հասած ժողովուրդը:

Ուրիշ խոսքով՝ ազգագրական Հայաստանի գաղափարը պետական Հայաստանի գաղափարով լրացնելու և բովանդակալից դարձնելու անհրաժեշտությունն է առաջ գալիս:

Իսկ որպեսզի մի ազգ պետական դառնա, կարևոր է, որ նա ամենից առաջ լինի ազատ և անկախ:

Անազատ և հպատակ ազգերը չեն կարող երազել սեփական պետականության մասին: Որպեսզի Հայաստանը—միացյալ թե ոչ —լինի պետական ինքնուրույն միավոր, դառնա մեր ազգային քաղաքականության առանցքը, պիտի հոգանք նաև, որ նա լինի ազատ և անկախ: Ազատ և անկախ հայրենիքը միայն իր հերթին ընդունակ և ի վիճակի լինել կարող է՝ իրականացնելու հողային և ցեղային ամբողջացումը:

Առաջին հանգրվանը, որին պիտի ձգտի ուրեմն Ազատ, Անկախ և Միացյալ Հայաստան հետապնդող ազգային քաղաքականությունը, դա մեր հայրենիքի ազատագրումն է, հայ ժողովրդի՝ ազատորեն ապրելու իրավունքը սեփական երկրի մեջ: Քանի դեռ չկա այդ ազատությունը, հայրենիքը չէ կարող լինել ո՛չ անկախ, ոչ էլ միացած:

Ինքնախաբեությամբ չզբաղվինք, ոչ էլ մեզ հաճելին ու ցանկալին շփոթենք իրականության հետ: Խորհրդային Միության մեջ մտնող երկիրները և ժողովուրդները, դրանց թվում ուրեմն՝ նաև հայն ու Հայաստանը, ապրում են մոտավորապես այնչափ ազատ կամ անազատ պայմաններում, որչափ ցարական կառավարության օրով: Քաղաքական և քաղաքացիական ազատության մասին խոսելը հեզանք իսկ է մի վարչակարգի համար, որ պաշտոնապես յուրացրել և սրբագործել է դիկտատուրայի ռեժիմը:

Զվիճենք այն մասին, թե արդյո՞ք և իսկապես դիկտատուրա՞ է գոյություն ունեցող հեծիմը, թե՞ պատմության մեջ սովորական մի սակավապետություն։ Ընդունինք անգամ, թե Ռուսաստանի արդի հեծիմը իսկապես ողորկատուրա է և ոչ սակավապետություն։ Ընդունինք մինչև իսկ անկարելին, թե՛ դա ոչ թե համայնավար կուսակցության դիկտատուրան է, այլ պրոլետարիատի դիկտատուրա, ինչ որ շարունակ կրկնում են բոլշևիկները։ Անգամ այս դեպքում, նշանակում է, քաղաքական փոխադրությունը գտնվում է ողջ ազգաբնակչության մի շնչին տոկոսը կազմող խավի ձեռքում, քանի որ պրոլետարիատը, մանավանդ ճարտարարվեստային պրոլետարիատը, գյուղացիության և մյուս խավերի հանդեպ աննշան փոքրամասնություն է ներկայացնում Ռուսաստանում։

Համեմատությունը ավելի ևս ակնբախ է Հայաստանի վերաբերմամբ, որ գրեթե բացառապես գյուղացիական եռլիւ է, և ուր բանվորության ամբողջական թիվը մի երկու տասնյակ հազարից չէ անցնում։

Որչափ և բոլշևիկները պնդելու լինին, թե պրոլետարիատը խորհրդային կարգերում «դաշնակցել» է գյուղացիության հետ, փաստը մնում է իր ուժի մեջ անգամ համայնավարների համար։ Այն, որ գյուղացիությունը խորհրդ. կարգերում երկրորդաժեք «դաշնակից» է, որ լավագույն պարագային, հինգ գյուղացու «բնտրական» քվեն հաղիվ հավասարում է մեկ բանվորի քվեին։

Մնում է փաստ նաև այն, որ խորհրդ. Միության բնակչության հոծ մեծամասնությունը լեռնահանքային և Հայաստանի մասնավորապես—գյուղացիությունը—անազատ է ոչ միայն քաղաքականապես, այլև տնտեսապես։ Որ այսօրվան խորհրդ. տնտեսության ողջ ծանրությունը գյուղացիության ուսին է բարձված, չէ վերցնում փոքրիկ կասկած անգամ։ Հայաստանի պայմաններում դրությունը ավելի ևս վատթար է։

Եվ դեռ մենք վերցրինք իդեալական վիճակը, տեսականապես հնարավորը։ Իրականությունը, ինչ խոսք, ավելի մոռալ է։ Այսօրվան Ռուսաստանը տիպիկ սակավապետություն (օլիգարխիա) է, ինչ որ անվիճելիորեն փաստված է նաև Կարլ Կուսկիի և մի շարք ուրիշ հեղինակավոր դեմքերի կողմից։ Այդ սակավապետությունը, լավագույն պարագային, հենվում է հազիվ ?—800 հազարի հասնող համայնավար կուսակցականների վրա։

Ուրիշ խոսքով, եթե ցարական ռեժիմը հենվում էր մի քանի հարյուր հազար տոհմային ազնվականների վրա, խորհրդայինն էլ հենվում է գրեթե նույնչափ թիվ կազմող արտոնյալ մի նոր դասակարգի, համայնավար կուսակցության վրա։ Փոխվել են անոմաները, մնացել էությունը։ Իսկ դա ոչ այլ ինչ է, եթե ոչ դիկտատուրա, բռնապետություն, ինչպես կուզե թող անվանվի նա, ինչ անունով կուզե թող գործածվի։

Եթե այդ այդպես է, եթե մի ժողովրդի ճնշող մեծամասնությունը ապրում է շնչին փոքրամասնության բռնության տակ և կարող է ոչ ազատորեն խոսիլ, ոչ էլ կազմակերպվի ու քաղաքական-տնտեսական գործունեություն ծավալել, ապա ուրեմն նրա՝ այդ ժողովրդի կատարյալ իրավունքն է՝ բոլոր հնարավոր միջոցներով թոթափել իրենց բռնության լուծը և տիրանալ իր մարդկային և ազգային ազատություններին։

Ուրիշ խոսքով, հեղափոխության իրավունքը բռնապետական կարգերում ապրող ամեն մի ժողովրդի անկապտելի իրավունքն է։ Մի վարչակարգ, որ ընդունակ չէ և ոչ էլ պատրաստակամ՝ բնաշրջվելու և ճանաչելու ժողովրդի հոծ մեծամասնության ազատ ապրելու իրավունքը, վաղ թե ուշ պիտի տապալվի նույն այդ ժողովրդի միահամուռ գրոհի առջև։

Ուրիշ վախճան չպիտի ունենա հարկավ նաև բոլշևիկյան ռեժիմը, եթե նա, ինչ որ շատ անհավանական է, ներքուստ չբարեշրջվի։ Ենթադրել, թե դիկտատուրայի ռեժիմը հավերժանա պիտի Ռուսաստանում, թե ռուս ժողովուրդը, որչափ և ինքրտ լինի նա այսօր, վաղ թե ուշ չպիտի թոթափի իրենից բոլշևիկյան լուծը, ավելի քան միամտություն է։ Խոսք կարող է լինել միայն

Ժամանակի և պայմանների մասին: Որ ազատությունը վերջի ի վերջո այնուամենայնիվ ձեռք պիտի բերվի այս կամ այն ճանապարհով, կասկածից դուրս է: Հայաստանը և հայ ժողովուրդն էլ, որոնք ապրում են քաղաքական նույնպիսի պայմաններում, ինչ որ ռուս մեծ ժողովուրդը և առհասարակ Վերջրդ: Միության բոլոր ժողովուրդները, բնականաբար պիտի քայլի նույն այդ ուղին, վերստին ստանալու համար իր ազատությունը:

(Շարունակելի)